

Registracion pa mucha y mayor

Registra pa participa na KIDS por haci na diferente manera. Mayornan por comunica cu un profesional di KIDS a traves di www.kiesvoorhetkind.nl.

Dependiendo di e modulo di KIDS na cual e mucha o e mayornan kier participa, esaki por tuma luga na scol, den un centro di barío, un agencia di ayudo, Centrum Jeugd en Gezin (Centro pa Hubentud y Famia), o un consultoria pa divorcio. Bo por check programanan den bo cercanía, den bo organisacion local.

Más información

E Centro di Experticio Mucha y Divorcio ta investiga, desaroya programanan di asistencia y guía, ta suministra informacion y ta duna educacion y training pa profesional.



E folder aki lo ofrece e Centro di Experticio Mucha y Divorcio.

kiesvoorhetkind.nl/kids-in-divorce-situations

“Tin biaha ta resulta agradabel tin un hende cu ta compañia bo”

— Nelly Snels-Dolron

Directora di Centro di Experticio Mucha y Divorcio - KIDS
kiesvoorhetkind.nl/kids-in-divorce-situations



KIDS

Coaching profesional pa divorcio



E separacion di mayor, e storia di e **muchanan**

E muchanan no ta scoge pa separacion di nan mayornan. E ta djis pasa cu nan. Ningun mucha, di cualkier edad, a siña con pa atende un separacion y mayornan divorcia/separa. Tanto mucha como mayor ta pasa den un proceso personal pa via di un separacion. Nan ta topa cu nan propio aspectonan fastioso, dificil y hasta talbes agradabel di e separacion. Cu **KIDS** mucha ta siña maneha nan propio proceso. Mayor ta siña wak a traves di e wowonan di nan yiu y por, cu extra informacion, tuma decisionan mas factibel orienta riba nan yiu. P'esey ta bon cu **KIDS** t'ey.

Kico ta **KIDS**?

KIDS ta nifica Mucha den Situacionan di Divorcio. **KIDS** ta duna guia y ayudo profesional pa tur mucha y hoben cu ta sinti necesidad pa esey. Esey por ta mesora despues di e separacion pero tambe hopi despues. Tin grupo di **KIDS** y tin tambe guia individual.

KIDS ta yuda mucha siña scoge pa nan mes. Esey no ta nifica cu mucha ta bay dicidi mas, pero hustamente por keda mucha, y cu problema di adulto ta keda problema di adulto.

KIDS ta duna mucha un propio espacio y lugan pa den un ambiente sigur, nan mes y/o hunto cu otro mucha, para keto na tur loke e separacion a trece cune y loke eventualmente nan ta pasa aden ainda.

KIDS no ta un terapia, e ta coaching di mucha. E ta haci nan mas fuerte. Ora tin asunto

andando cu ta impedi mucha pa por pasa den un desaroyo sano, e coachnan di **KIDS** ta señala esey na tempo.

Cada mucha tin derecho di ta simplemente mucha

Mucha di naturalesa ta leal y fiel na nan mayornan. Nan ta desea cu cos ta bay bon cu nan mayornan, kier proteha nan y sigur no causa nan tristeza. Mucha hopi biaha ta tene, ora ta trata di separacion, nan pensamiento y sentimentonan mas profundo pa nan mes. E pensamiento

y sentimentonan ey por stroba un desaroyo sin carga, y sano. Cerca **KIDS** mucha ta siña expresa nan pensamiento. Nan por conta miho kico ta preocupa nan o kico nan no ta comprende. Mucha y mayor pa motibo di esaki por traha miho riba posibilidad cu ta mas factibel pa nan.

Prome mi tabata kier a percura pa mi mayornan ta feliz atrobe. Awo mi sa cu mi no por percura pa esey.

- Tess

Mi Tata tabata kier a sali di cas y a pensa cu ami tambe lo a gusta si nos lo a muda. Na **KIDS** mi a siña bisa cu mi no ta gusta esey. Nos ta keda biba ey algun tempo ainda y si nos muda lo ta cerca di Mama y di scol.

- Jesse

Porfin mi por a bisa Mama tambe cu mi a bira miho amiga cu e yiu muhe di mi Tata su novia. Awo e mag bin hunga cerca mi tambe.

- Yara

Awo un biaha pa aña nos ta bay come hunto pa mi cumpleaños. Mas mi no tabata desea, pero esey si mi tabata kier di berdad.

- Levi

Awo ami mes a haya mas tranquilidad den mi cabes y tin hopi menos pleito.

- Nour

Mi tabata pensa cu **KIDS** no tabata necesario pasobra nos tabata anda bastante bon cu otro. Sin embargo mi a ripara cu pa Niur esey tabata otro.

- Tata di Nour

Nos a siña pa no discuti nos asuntunan na porta, ora di busca y trece Nour. Jasper awo ta bin pa nos bebe un te hunto. Nour a laga nos wak nos mes. Esey ta duna nos tur mas tranquilidad, e simplemente tabatin razon y awo nos tur ta pasa miho cu otro.

- Mama di Nour

Tips pa mayor

- ✓ Como mayor, papia positivo di otro, o sino no bisa nada di e otro.
- ✓ Mucha por semper conta ambos mayor nan experiencianan.
- ✓ Mucha no semper kier conta nan mayornan tur cos. Duna nan anto un persona di confiansa. Un persona neutral o un luga neutral ta importante y agradabel pa nan.
- ✓ Mas tanto mucha kier sa pakico Tata y Mama no por biba hunto mas. Spaar nan e detayenan di e separacion. separacion ta algo di adulto.
- ✓ Bo yiu ta haci un pregunta tocante e separacion? Anto duna semper un contesta honesto na nivel di mucha. Y purba – si ta trata di e otro mayor – di keda mas neutral posibel.
- ✓ No pleita den presencia di mucha.
- ✓ Bo mester por bisa cu bo ta tristo o rabia un rato. Laga sa tambe cu esey ta pasa tambe. Asina mucha ta siña maneha miho cu suceso y sentimentonan.
- ✓ Mucha nunca tin culpa di e separacion. Conta nan esey tambe anto.

Investigacionan di Universidad de Utrecht, haci pa Ed Spruijt y Inge van der Valk, ta comproba cu e programa **KIDS** ta yuda mucha comprende miho e divorcio. Cu **KIDS** ta yuda pa por maneha e situaciona di e separacion miho. E yunan ta bay comprende cu e separacion no ta nan culpa. E comunicacion di e yiu cu su mayornan ta mehora. Pa mucha cu ta participa na **KIDS**, esaki por yuda reduci problema. Mucha, mayor y profesionalnan ta hopi satisfecho y positivo encuanto **KIDS**.